



Broj predmeta: 13-000715/21
Broj akta: 01.1-1413EK-0009/21
Datum, 9.4.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH», broj: 22/18, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni zahtjeva za učešće – predkvalifikacione dokumentacije broj: 13-000715/21 od 06.04.2021.godine i Zapisnika o pregledu i ocjeni inicijalne ponude broj: 13-000715/21 od 09.04.2021. godine i Prijedloga Komisije za javne nabavke broj: 13-000715/21, broj akta: 02-0024AK-0008/21 od 09.04.2021. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se postupak javne nabavke po provedenom pregovaračkom postupku bez objave obavještenja o nabavci, za nabavku usluga održavanja aplikativnog software-a (Glavna knjiga Trezora) za potrebe Direkcije za finansije Brčko distrikta BiH, koji je proveden na osnovu Obrazloženja o razlozima za provođenje pregovaračkog postupka bez objave obavještenja i Posebne odluke o pokretanju postupka javne nabavke broj: 13-000715/21 od 15.03.2021. godine, iz razloga što nijedna od primljenih ponuda nije prihvatljiva, što prema čl. 69. stav (2) tačka d) Zakona o javnim nabavkama predstavlja osnov za poništenje postupka javne nabavke.

Obrazloženje:

U pregovaračkom postupku bez objave obavještenja o nabavci, za nabavku usluga održavanja aplikativnog software-a (Glavna knjiga Trezora) za potrebe Direkcije za finansije Brčko distrikta BiH ponudu je dostavio jedan ponuđač i to „Torus“ d.o.o. Sapna. Komisija je razmotrila dostavljenu predkvalifikacionu dokumentaciju i ustanovila da je predkvalifikaciona dokumentacija dostavljena u skladu sa zahtjevima iz tenderske dokumentacije i poziva za učešće. Predloženom ponuđaču od strane Direkcije za finansije Brčko distrikt BiH je upućen zahtjev za dostavu početne ponude. Budući da je na osnovu dostavljenog zahtjeva za učešće predloženog ponuđača od strane Direkcije za finansije Brčko distrikt BiH izvršena analiza prihvatljivosti zahtjeva i kvalifikovanosti ponuđača, Komisija je ustanovila da je pozvani ponuđač kvalifikovan. U prilogu zapisnika je i pregled i ocjena zahtjeva za učešće. Obzirom na navedeno stekli su se uslovi za nastavak postupka nabavke te je izvršena analiza dostavljene početne ponude dana 09.04.2021.godine. Odmah nakon otvaranja inicijalne ponude članovi Komisije imenovani ispred Direkcije za finansije Brčko distrikt BiH su kao stručne osobe razmotrili dostavljenju inicijalnu ponudu. Prilikom analize početne (inicijalne) ponude utvrđeno je da je ponuđač „Torus,, d.o.o. Sapna u početnoj ponudi vršio ispravku zahtijevane količine na stavci 2. Obrasca za cijenu početne ponude –Aneks 4., te da na toj stavci nije ponudio niti jediničnu cijenu, a što nije u skladu sa tačkom 3.11. predmetne tenderske dokumentacije gdje između ostalog stoji: „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena”. U skladu sa naprijed navedenim članovi Komisije su ponudu ocijenili neprihvatljivom te sa

ponuđačem „Torus” d.o.o. Sapna nije pregovarano. S obzirom na navedeno i obrazloženo te na činjenicu da je navedena ponuda bila jedina koja je dostavljena donesena je Odluka o poništenju postupka javne nabavke, a sve u skladu sa odredbama člana. 69. stav (2) tačka d) Zakona o javnim nabavkama.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

- ① Pododjeljenju za javne nabavke,
2. Ponuđaču,
3. Direkciji za finansije,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

